



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

839.82

ԻԲ-50

№ 9100

# Բ Ե Օ Ր Ն Ս Օ Ն

Կ Ա Ջ Մ Ե Ց  
Ե. Թ Ո Փ 2 Ե Ա Ն

1005  
21053

1 պ ա ռ 4



9750

ԱՂԷՔՍԱՆԴՐԱԳՕԼ  
Արագատիկ-Տպարան Ստեփանեանցի  
1901

ԲԻԷՐՆՈՏԻՐՆԷ ԲԵՕՐՆԱՅՆ:

I

Օտարների համար Բեօրնայն միայն մի մեծ բանաստեղծ է, իսկ իր հայրենի Նորուեգիայի համար և՛ բանաստեղծ և՛ հասարակական գործիչ: Նա ոչ միայն երգել է լաւն ու բարին, ոչ միայն գեղեցիկ դրամաներ ու պատմուածքներ է գրել, այլ մասնակցել է նաև հասարակական հրատապ հարցերին և միշտ աշխատել է պաշտպանել արդարութիւնն ու ճշմարտութիւնը:

Նա գեռ երիտասարդ հասակում անվախ կոխ է սկսել գրական ապարէզում և իր համարձակութեան ու եռանդի շնորհիւ կարողացել է միշտ էլ ուշադրութիւն գրաւել...

Նրա գործունէութիւնն ունեցել է զգալի արդիւնք, ցանած սերմերը բերել են պտուղներ:

Ինչպէս յայտնի է, մի հեղինակ կարող է մեծ տաղանդ ունենալ, բայց անհաշտ մնալ իր ազգի և շրջապատող ժողովրդի հետ: Այստեղ պատճառն այն տարբերութիւնն է, որ գոյութիւն է ունենում հեղինակի համոզմունքների և ժողովրդական բնաւորութեան ու զարգացման աստիճանի մէջ: Այդ հանգամանքը շատ երևելի մարդկանց

Дозволено Цензурою, Тифлисъ, 22 Сентября 1901 г.



21053+

դառնութիւնն է պատճառել և նոյն իսկ տարագիր դարձրել: Բաւական է լիշել Բայրօնին, Հալնէին, Իբսէնին, Տուրգենեւին և այլն: Շատ հեղինակներ էլ թէև մնացել են իրանց հայրենիքում, բայց միշտ անջատուած, մէկուսացած են զգացել իրանց:

Սակայն բոլորովին ուրիշ է Բեօրնսօնի բաղդը: Ճիշտ է, նա էլ ունի հալածողներ ու հակակրողներ: Ճիշտ է, կառավարութիւնն ու ամբողջ իշխող տարրը հակառակ են նրան և ամեն կերպ աշխատում են հարուածներ հասցնել, բայց ժողովուրդը սիրում է նրան, յարգում է նրա ձգտումներն ու համոզմունքները: «Բեօրնսօն անունը մի դրօշակ է նորուեգացիների համար», ասում է Բրանդէս\*): Եւ դա շատ ճիշտ է, որովհետև նրա անունը կարող է նոյն չափով դէպ իրան քաշել առանձին անհատներին, ինչպէս ազգային դրօշակը: Նրա ամբողջ գործունէութեան նշանաբանն է եղել՝ պաշտպանել ու արծարծել իր հայրենակիցների սէրը դէպի հայրենիքն ու ազատութիւնը, դէպի արգարութիւնն ու ճշմարտութիւնը:

Նա ինքն էլ միշտ սիրել է իր հայրենի երկիրը. «Նա ուզում եմ Նորուեգիայում ապրել, գրում է նա 1880 թ. Բրանդէսին, Նորուեգիայում հարուածել և հարուածների ենթարկուել, Նորուեգիայում երգել ու մեռնել...»

\*) Georg Brandes «Moderne Geister» Berlin, 1881.

II

Բեօրնսօն ծնուել է 1832 թ. Գեկտեմբերի 8-ին, Նորուեգիայի Կուիկնէ աւանում, որտեղ նրա հայրը պաստոր էր:

Այստեղ բնութիւնը աղքատ է և մռայլ: Մերկ ժայռեր, ցիր ու ցան կանգնած ծառեր—ահա նրա ամբողջ հարստութիւնը: Երկիրն անպտղատու է և եղանակը խիստ: Զմեռը ձեան հաստ շերտն է ծածկում սար ու հովիտ, իսկ ամառը—յորդ անձրևն է իր դերը խաղում:

Ահա այդպիսի մռայլութեան, այդպիսի աղքատիկ բնութեան մէջ է անցկացրել Բեօրնսօն իր մանկութեան առաջին տարիները:

Բարեբախտաբար շուտով նրա հայրը տեղափոխուեց Նեսսետ (Nasset), որ ամբողջ Նորուեգիայում հռչակուած է իր գեղեցիկութեամբ ու բնական հարստութեամբ: Այդ ժամանակ Բեօրնսօն վեց տարեկան էր:

Բնակավայրի փոփոխութիւնը բարերար ազդեցութիւն է ունենում նրա վրայ: Նա աւելի կենսուրախ ու կայտառ է դառնում, աւելի ազատութիւն է տալիս իր բանաստեղծական ձգտումներին:

Պարոցական շրջանում մանուկ Բեօրնսօնն իր ընկերներից մի փոքրիկ խմբակ է կազմում և նրանց ղեկավարը դառնում:

Այդ շրջանում նա մեծ եռանդով կարդում է պատմական և բանաստեղծական գրուածքներ,

ժողովրդական երգեր, աւանդութիւններ ու վէպեր: Տասնևեօթ տարեկան հասակում նա գալիս է Խրիստիանիա ուսանողական քննութեան պատրաստուելու և այստեղ սկսում է կարգալ քանիական գրականութիւնը, միևնոյն ժամանակ ծանօթութիւն հաստատելով յայտնի բանաստեղծ Ֆինիէի, պատմաբան Սարսի և ուրիշ աչքի ընկնող մարդկանց հետ: Նրա վրայ առանձնապէս մէծ ազդեցութիւն է թողնում դանիական թատրոնը:

1852 թ. նա վերագառնում է ծնողների մօտ իբրև ուսանող և սկսում է երգեր յօրինել, ժողովրդի կեանքով աւելի ու աւելի հետաքրքրուել: Կարճ միջոցում նա նորից գալիս է Խրիստիանիա և գրական ասպարէզ մտնում իբրև թատրոնական գրուածքների քննադատ: Այստեղ նա գառնում է—«Aftenblad» թերթի ամենամօտ աշխատակիցներից մէկը:

Այդ ժամանակ նա սկսնակ էր, բայց անվախ սկսնակ. նա գրում էր երիտասարդական ամբողջ աւելնով և անխնայ խտութեամբ: Ահա այդ իսկ պատճառով նրա թշնամիներն աւելանում էին օրէ ցօր: 1860 թ. նա տեղափոխուեց Կոպենհագէն, իսկ այնտեղից—Հոովմ: 1863 թ. Ֆրանսիայի և Գերմանիայի վրայով վերագարձաւ հայրենիք և 1866—71 թ. վարեց «Norsk Folkeblad» թերթի խմբագրի պաշտօնը: 1873 թ. նա գնաց արտասահման, ուր մնաց մինչև 1875 թ. և ապա վերագարձաւ Նորուեգիա:

Այդ ժամանակաշրջանում նա անդադար աշ-

խատում էր, մասնակցելով բոլոր հասարակական հարցերին—նոյն իսկ հեռուից: 1882—88 թ. նա ապրում էր Փարիզում, բայց այդտեղից էլ իր գրչով շարունակում էր հրատարակախօսական գործունէութիւնը:

Նա իր համոզմունքներով միշտ հակուած է եղել զէպի ձախակողմեան—(գեմոկրատիական)—կուսակցութիւնը:

III

Իր գրականական գործունէութեան առաջին շրջանում Բեօրնսօն գրում էր և լիրիքական ոտանաւորներ—ժողովրդական երգերի նմանողութեամբ:

Սակայն այդ զբաղմունքը նրան բաւականութիւն չէր տալիս:

Նա սկսում է գրել թատերական երկեր և առաջին անգամ լոյս է ընծայում «ձակատամարտում»—(«Zwischen den Schlachten»)—գրաման, որի մէջ պատկերացրած է մի միջնադէպ միջնադարեան Նորուեգիայի կեանքից:

Գլխաւոր հերոսը Սվեբրէ թագաւորն է, որը ունի բարի և փափուկ սիրտ, բայց չարաբաստիկ հանգամանքների շնորհիւ ստիպուած է լինում կեղծ անուան տակ թափառել և ժողովրդին մեծ զրկանքներ պատճառել:

Վերջապէս 1857 թ. լոյս է տեսնում նրա «Սիննեօվէ Սօլբակկէն»—(«Synnöve Solbakken») — վէպը, որի մէջ բանաստեղծօրէն նկարագրուած է զիւղական կեանքը, բնտանեկան բարք ու վարքը:

Վէպի հերոսներն են Սիննեօվէ Սօլբակէն և Թօրբիօրն:

Հարևան ընտանիքների զաւակներ էին երկուսն էլ, ուստի դեռ մատաղ հասակից նրանց մէջ սկսուեց սերտ յարաբերութիւն:

Նրանք յաճախ պատահում էին միմեանց, խօսակցում և խաղում էին իրար հետ: Մանկական անարատ սէրը զարգանում էր անմեղ սրտերում և աւելի ու աւելի մտերմացնում նրանց յարաբերութիւնը:

Անցան տարիներ: Սիննեօվէն և Թօրբիօրն արդէն չափահաս էին: Փոխադարձ սէրը հասել էր իր գագաթնակէտին և վերջապէս ամուսնական կապը հաստատեց նրանց երջանկութիւնը:

Իսկական սէրը մի գօրէյ ոյժ է, որ ոչնչացնում է ամեն տեսակ արգելքներ—ասա սա է վէպի իդէան, որ պատկերացրած է այնքան գրաւիչ, այնքան բանաստեղծական ձևով:

Այդ վէպը միանգամից հռչակ պարգևեց Բեօրնսօնին:

Թէ բովանդակութեամբ և թէ իդէայով այս վէպին շատ մեծ նմանութիւն ունի «Արնէ» անունով պատմուածքը:

Այգտեղ էլ նկարագրուած է կրակոտ սիրոյ զարգանալը և իր կէտ նպատակին հասնելը:

Այգտեղ էլ հեղինակն իրան յատուկ ճշգրիտ ու բանաստեղծական ձևով պատկերացնում է ժողովրդի կեանքը, սովորութիւններն ու համոզմունքները:

Այդ երկու գրուածքի աջողութեան գլխաւոր պատճառն այն էր, որ նրանց իդէան համապատասխանում էր «ազգային լիբերալներ» կոչուող կուսակցութեան փայփայած գաղափարներին:

Պէտք է նկատել, որ այդ կուսակցութիւնը կասկածանքով էր վերաբերում դէպի եւրոպական գրականութիւնն ու գիտութիւնը:

Նա հաւատացնում էր, թէ միայն հիւսիսը, միայն Նորուեգիան կարող է ծնունդ տալ այն ամենին, ինչ որ թարմ է և մաքուր, ինչ որ լաւ է և գեղեցիկ:

Նա ուզում էր ունենալ զուտ ազգային, զուտ սկանդինաւիական բանաստեղծութիւն և այդ ցանկութեան բաւարարութիւնը տալիս էր Բեօրնսօն:

Պարզ է ուրեմն, որ նրան պէտք է սիրէին ու բարձրացնէին:

Թէ վերոյիշեալ մեծ պատմուածքները և թէ միւս մանրերը—(օր. «Հայրը» «Արծուի բունը», «Հաւատարմութիւն», «Կեանքի հանելուկը» և այլն)—իրանց մէջ պարունակում են մի առանձին թարմութիւն և նորուեգիական աւանդութիւններին յատուկ ոճ:

Այդ մանրավէպերի բնորոշ գիծն այն է, որ հեղինակը նկարագրում է առօրեայ կեանքը, պատկերացնում է գիւղացու մտածմունքներն ու հաւատալիքները ճիշտ այնպէս, ինչպէս կայ, առանց անձնական ձգտումներ մտցնելու, առանց փիլիսոփայօրէն քննադատելու:

Չնայելով այդ հանգամանքին, նրա այդ գըր-

ուածքներն էլ զուրկ չեն բանաստեղծական գրաւ-  
չութիւնից: Սրանց մէջ հեղինակը միացրել է  
կենսական ծանօթութիւնը լիրիքական քնքշու-  
թեան հետ և դրանով կազմել է ընթերցանու-  
թեան համար հետաքրքիր երկեր:

Ժողովրդական աւանդութիւնները, երգերն  
ու հեքիաթներն են եղել այդ երկերի աղբիւրը:

IV

Այդ պատմուածքներին հետևում են դրամա-  
ներն ու ոտանաւորները: Այստեղ ժողովրդական  
ոգու խորքից գուրս է բղխում անհատականու-  
թիւնը և աւելի ու աւելի զարգանում:

«Ճակատամարտում»—(Zwischen den Schlach-  
ten)—«Չար Սիգուրդը»—(«Sigurd der Böse»)—  
և «Արնլեօտ Գելլինէ»—(«Arnljot Gelline»)—դրա-  
մաներում աչքի է ընկնում միևնոյն մեծ տիպը, որը  
ուժեղ է և ազնիւ, որը ստեղծուած է ժողովրդի  
բարեբարը լինելու, բայց հանգամանքների շնոր-  
հիւ ստիպուած է չարիքներ գործել:

Ամբողջ քաղաքներ հրդեհի կերակուր են  
դառնում բոլոր այն տեղերում, որտեղից անցնում է  
Սվերրէն \*): Նա դառնացած սրտով պատմում է.  
— «Ես ճանաչում եմ մի իշխանի, որն ուզում էր  
իր ժողովրդի բարիքն ու օրհնէքը դառնալ, բայց  
նրա չարիքն ու նզովքը դարձաւ: Անընկճելի ճա-  
կատազրի նման նա անցնում է մի արեան դաշտից

\*) Նան. Սվերրէն «Ճակատամարտում» դրամայի հերոսն է:

դէպի միւսը: Նրա ճանապարհը ծածկուած է  
ծխացող դիակներով ու աւերակներով: Նրան հե-  
տևում է անվերջ հառաչանքն ու աղմուկը...  
Շատերն ասում են, թէ սատանան նրա օգնա-  
կանն է, ոմանք էլ պնդում են, թէ նա ինքը սատա-  
նան է... Բայց ես գիտեմ, այո՛, գիտեմ հաստատա-  
պէս, որ նա անկարող է առանց իր դժբաղդութիւնը  
մեծացնելու մէկի վրայ ձեռք բարձրացնել նոյն  
խոյն այն ժամանակ, երբ ուրիշները գազանների  
նման իրար պատառոտում են... Նա միայն  
բարիք է կամենում...»

Այդ իշխանն ինքը Սվերրէն է:

«Չար Սիգուրդ»—ի հերոսը—Սիգուրդ ժողո-  
վրդին առելի է դառնում նրա համար, որ իր ար-  
դար իրաւունքն է պաշտպանում և Նորուեգիայի  
բազը կամենում:

«Արնլեօտ Գելլինէ»—ի հերոսը—Արնլեօտ իր  
ամբողջ հոգով հեղ ու բարի է, բայց հանգա-  
մանքներից ստիպուած դառնում է աւազակ ու  
մարդասպան:

Հասկանալի է, որ այդպիսի տիպեր ստեղծելու  
համար մեծ դեր է խաղացել հեղինակի «ես»ը,  
անհատականութիւնը: Սակայն, ինչպէս վերելում  
նկատեցինք, այդ անհատականութիւնը բղխում է  
հէնց ժողովրդի ոգուց և զարգանում է, որպէսզի  
նորից միանայ ժողովրդի հետ:

Այդ կէտում Բեօրնսօնի կատարեալ հակապատ-  
կերն է ներկայացնում Նորուեգիայի միւս պար-

Ճանքը—Իբսէն: Իբսէնն իր ամբողջ էութեամբ  
 հեռու է ժողովրդից. նա միայնակ է բառիս բուն  
 նշանակութեամբ: «Նա կ'մնամ միայնակ, հեռու  
 օտարութեան մեջ», ասում էր նա դեռ 1875 թ.  
 իր ճառում և այդ խօսքերը դարձել են նրա  
 ամբողջ կեանքի նշանաբանը: Նա աշխատում  
 է թափանցել մարդկային սրտի խորքերը:

Իո՛ւ, ծանր մուրճ, բաց ինձ ուղի

Դէպի անհուն խորքը սրտի:

Ասում է նա իր հերոսի բերանով:

Բեօրնսօնն ընդհակառակը չի ձգտում դէպի  
 խորքերը: «Նրա հանճարն ազատ թևեր ունի»,  
 ինչպէս իրաւացի կերպով նկատում է Բրանդէս\*:  
 Իբսէնը հասարակութեան համար մի խիստ դա-  
 տաւոր է, իսկ Բեօրնսօն—մարգարէ, որ ջերմա-  
 գին նախագուշակում է գալիք լաւ օրերը: Իբսէնի  
 տաղանդն իր մէջ մի լեղափոխող տարր է պարու-  
 նակում: Նա «Սիրոյ կոմեդիայում»—(«Komodie  
 der Liebe») —և «Նօրա» — ում—(«Nora») —մտրա-  
 կում է ամուսնութեան վատ կողմերը, «Բրանդ» — ում  
 —(«Brand») — քաղաքական եկեղեցին, «Հասարա-  
 կութեան հիմքեր» —(«Stützen der Gesellschaft») —  
 դրամայում—ամբողջ քաղաքացիական հասարա-  
 կութիւնը և այլն:

Նրա սուր քննադատութիւնը ջախջախում է  
 այն ամենը, ինչ որ ուզում է: Իսկ Բեօրնսօն  
 ընդհակառակը հաշտեցնող ոգի է և կռիւ է մղում  
 առանց դառնութիւնների:

\*) Ծան. G. Brandes: «Menschen und Werke».

Իբսէնը միշտ սիրում է գաղափարը և տրա-  
 մաբանական—հոգեբանական տևողականութիւնը,  
 իսկ Բեօրնսօն դրա փոխարէն ունի խոր սէր դէպի  
 մարդ արարածը:

Մի ուրիշ տարբերութիւն էլ նշմարում է  
 այդ երկու խոշոր բանաստեղծների առաջին դրա-  
 մաներում: Իբսէնն իբրև զուտ դրամատուրգ իրան  
 միշտ հեռու է պահում բնութեան նկարագրութիւ-  
 նից: Նրա երկերում տեղ-տեղ պատահող նկարա-  
 գրութիւնները սիմբոլիական նշանակութիւն են  
 ստանում:

Բոլորովին այլ կերպ է վարում Բեօրնսօն:  
 Նա իր դրամաներում ազատօրէն տեղ է տալիս  
 մայր բնութիւնից ստացած տպաւորութիւններին,  
 նրա պէս—պէս նկարագրութիւններին:

Ինչ վերաբերում է Բեօրնսօնի ոտանաւորնե-  
 րին, պէտք է նկատել, որ թէև նա ոտանաւոր-  
 ներ շատ չէ գրել, բայց դրածներն այնպիսի լատ-  
 կութիւն ունին, լիրիքական այնպիսի ոյժ են պա-  
 րունակում իրանց մէջ, որ միշտ էլ անմոռա-  
 նալի կմնան:

Նրա յօրինած ժողովրդական երգերը հնչում  
 են անարատ քնքշութեամբ, նրա ոտանաւորներից  
 շատերն արդէն ազգային երգեր են դարձել: . . .

V

Նօթանանական թուականներից Դանիալում  
 սկսում է գրական մի նոր հոսանք, որն իր ազդե-  
 ցութիւնը տարածում է և Նորուեգիայի վրայ . . .



Ահա այդ ժամանակ, այդ վերածնութեան շրջանումն էր, որ Բեօրնսօն գրում է իր բարեկամ Բրանդէսին՝ «Ես այժմ աչքեր ունիմ, որ տեսնում եմ, ականջներ ունիմ, որ լսում եմ»:

Եւ իսկապէս մութ կէտերը, անորոշ հարցերը հետզհետէ պարզւում—լուսաբանւում էին նրա համար: Նա անգաղար կարգում էր բաղմազան գրքեր ու պարբերական հրատարակութիւններ օտար լեզուներով: Նրան հետաքրքրում էին ամեն տեսակի ու ուղղութեան գրուածքներ՝ թէ բնազիտական, թէ պատմական, թէ փիլիսոփայական, թէ քննադատական և թէ վիպական: Նա մեծ եռանդով կարգում էր Միլլ, Բարուլին, Մաքս Միլլեր, Թէն և այլն:

Ահա այդ բազմակողմանի ընթերցանութիւնն էր նրա մէջ նոր լեզափոխութիւն առաջ բերողը, ահա այդ անդուլ ինքնակրթութիւնն էր նրա տաղանդին զարկ տւողը:

Այդ նոր շրջանի առաջին մեծ աշխատութիւնն էր «Սնանկութիւն» («Ein Falissement») — գրաման, որն անսպասելի աջողութեան արժանացաւ թէ Նորուեգիայում և թէ Գերմանիայում:

Բեօրնսօն Սկանդինաւիայի առաջին բանաստեղծն էր, որ ամենայն լրջութեամբ պատկերացնում էր փողի տրագիկոմիքական էութիւնը: Այդ հանգամանքի շնորհիւ նրա լաղթանակն աւելի զգալի ու մեծ դարձաւ:

Յիշեալ գրամալի հետ միաժամանակ լուս տեսաւ և «Խմբագիր» — («Der Redacteur») — գրա-

ման, որը զուեշտական գոյներով պատկերացնում է Նորուեգիայի ժամանակակից մամուլի վիճակն ու կարգերը:

Այդ երկու գրամաներին հետևում են «Թագաւորը» ստանաւորը, «Մագնհիլդ» նովելլան, «Նոր սխաւեմ» ու «Լէօնարդա» գրամաները և այլն: Գրանցից ամենաաջողը կարելի է համարել «Լէօնարդա» գրաման, որի իդէան է բարոյական և կրօնական համբերատարութիւն:

Գլխաւոր հերոսուհին տիկին Լէօնարդա Փալին է, որը ուրիշի բախտաւորութեան համար զոհ է բերում իր սէրը:

Չափազանց պաշտու և արգիւնաւէտ էր Բեօրնսօնի գրիչն այդ շրջանում: Սակայն պահպանողականներն աշխատում էին Բեօրնսօնի տաղանդը նսեմացնել, արժէքը քցել, աջ ու ձախ տարածելով, թէ նրա բանաստեղծութիւնը որոշ ձգտումներից է առաջ եկել, թէ նա զեղարուեստական արժէք չունի և այլն և այլն:

Բայց սրբան արգարացի էին այդ մեղադրանքները, ինչ էին ներկայացնում նրա բանաստեղծութեան թերութիւն կազմող ձգտումները: Նոր ժամանակի ողին ու գաղափարները: Բայց մի՞թէ բանաստեղծը կարող է ապրել առանց այդպիսի տենդենցիայի, առանց այդպիսի թարմ գաղափարների: Իհարկէ ոչ: «Այդ գաղափարները բանաստեղծի համար նոյն դերն են կատարում, ինչ որ տրեան շրջանառութիւնը մարմնի համար» \*):...

\*) Ծան. G. Brandes: «Menschen und Werke».

1005  
21059



Բեօրնսօնի նոր ուղղութեան հակառակորդները պնդում էին, թէ նորա տաղանդը կանգնած է իր բարձրութեան վրայ միայն այն ժամանակ, երբ հեռու է առօրեայ հրատապ հարցերից, հասարակական հոսանքներից: Սակայն որքան արդարացի է այդպիսի դատավճիռը:

Ընդհակառակն այդ վերջին գրուածքներում Բեօրնսօնի ոճն ու տեխնիքական առաւելութիւններն աւելի բարձր են քանթէ առաջ, իսկ ապագան հաստատեց, որ հէնց լիշեալ «ձգտումներն ու գաղափարներն» են ամենից շատ ուշադրութիւն զբաւողը և հեղինակի հռչակը բարձրացնողը:

VI

Բեօրնսօնը ոչ միայն իր դրամաներով է նպաստել թատրոնի նշանակութիւնն ու ազդեցութիւնը բարձրացնելուն, այլ և անմիջական գործունէութեամբ: Նա եղել է թատրոնի դիրեկտոր 1875-59 թ. Բերգեն քաղաքում, իսկ 1865-67 թ. Խրիստինիաում: Նրա ջանքերն այդ ասպարէզում պսակուել են կատարեալ աջողութեամբ, իսկ այդ միջոցով ձեռք բերած փորձերը օգուտ են հասցրել նաև նրա գրչին:

Նրա երիտասարդական «Հուլդա»— («Hulda») — դրաման զրեթէ աննկատելի անցաւ, բայց դրա փոխարէն միւս դրամաները բեմական մեծ աջողութիւն ունեցան:

Դրանցից ամենանշանաւորներն են. «Մարիա Ստիւարտը Շոտլանդիայում»— («Maria Stuart in Schotland»), «Նորապսակները»— («Die Neuver-

mählten»), «Ձեռնոց»— («Ein Handschuh»), «Մեր ուժից վեր է» («Ueber unsere Kraft») և «Աշխատանք»— («Laboremus»):

«Մարիա Ստիւարտը Շոտլանդիայում» դրամայի ֆարուլան հետևեալն է. — Թագուհի Ստիւարտն ամուսնացած է լորդ Գարնլէյի հետ, բայց չի սիրում նրան: Վերջինս տանջուած է իր ուժեղ սիրուց և խանդից, մանաւանդ, որ թագուհին մի առանձին մտերմութիւն է ցոյց տալիս դէպի իր մասնաւոր քարտուղար կաթոլիկ Բիցցիօն:

Սա մի չափազանց խելացի մարդ է և իր ազդեցութեան շնորհիւ մեծ չափով նպաստում է կաթոլիկութեան բարձրանալուն Շոտլանդիայում: Ահա այդ է պատճառը, որ նրանից դժգոհ են թէ բողոքական ժողովուրդը և թէ լորդերից շատ շատերը:

Վերջապէս լորդերը մի դաւադրութիւն են կազմում, որպէսզի ոչնչացնեն Բիցցիօն և գահընկեց անեն թագուհուն: Այդ դաւադրութեանը միանում է և Գարնլէյ—միայն խանդից զրդուած...

Սակայն դաւադրութիւնը աջողում է կիսով չափ: Բիցցիօն սպանում են, իսկ թագուհին փախչում է և ապա ժողովրդի ու լորդ Բօթվելլի միջոցով կարողանում է իր իրաւունքները պաշտպանել...

Այստեղ թագաւորը նորից անցնում է իր սիրեցեալ Մարիայի կողմը, բայց վերջը ընկնում է ամենատրագիքական վիճակի մէջ: Ամենքը ծաղրում ու արհամարում են նրան: Ի միջի այլոց

շատ սրտաշարժ է այն տեսարանը, երբ Դարըն-  
լէյ գալիս է Շոտլանդիայի կրօնական վերանորոգիչ  
Կնօքսի մօտ և օգնութիւն ու խորհուրդ է աղեր-  
սում...

Բօթվելլը որոշում է ամուսնանալ թագուհու  
հետ և այդ նպատակի համար մահացնել է սա-  
լիս թշուառ Դարնլէյին:

Սակայն Մարիան հակառակ է այդ ամուս-  
նութեանը և համաձայնում է միայն ամենայու-  
սահատական բույէում, արտապուճքն աչքերին:

Հէնց այն բույէին, երբ Բօթվելլը թագու-  
հուն ոտորագրել է տալիս ամուսնութեան պայ-  
մանագիրը, զրոյց լսում է աղմուկ, զղրոց:  
Բօթվելլը սկսում է համոզել թագուհուն, որ փախ-  
չին, բայց վերջինս չի համաձայնում:

Ներս են թափում հակառակ կուսակցու-  
թեան ներկայացուցիչները յօրդ Մուրրայի առաջ-  
նորդութեամբ և յայտարարում են, որ թագու-  
հին արդէն զահրենկեց է եղած և նրա փոխարէն  
թագաւորելու է թագաժառանգ Յակոբ VI:  
Թագուհին արտասուճքն աչքերին անձնատուր է  
լինում իր հակառակորդներին և զայրացած բա-  
ցականչում է. «Իմ ազնուականութիւնը, իմ ժո-  
ղովուրդն ու սէրը—բոլորը խաբեցին ինձ... Ես  
այժմ գերի եմ...»

Նոյն իսկ համառօտ բովանդակութիւնից  
երևում է, որ այդ գրուածքը լի է դրամատիքա-  
կան կեանքով և ուժեղ տպաւորութիւն թողնող  
տեսարաններով, ինչպէս օրինակ կաթոլիկութեան

պաշտպան Բիցցիօի սպանութիւնը, Դարնլէյ թա-  
գաւորի մահը, թագուհու փախուստը և այլն:  
Միայն վերջը քիչ թույլ է կամ աւելի ճիշտն ա-  
սած՝ նա չի վերջանում:

«Նորապսակները» փոքրիկ գրամալի ֆարու-  
լան չափազանց հասարակ է: Նրա մէջ նկարա-  
գրուած է այն կոլլեգիան—մաքառումը, որ եր-  
բեմն տեղի է ունենում երիտասարդ կնոջ սրտում:  
Ծնողական սէրն ու ամուսնական սէրն են մի-  
մեանց դէմ մաքառողը:

Լաուրան ամուսնացած է Ալէքսի հետ, բայց  
շատ սառն է դէպի նա, որովհետև իր ամբողջ  
սրտով, ամբողջ էութեամբ ծնողներին է սիրում:

Ալէքսը խանդավառուում է, իրան դժբաղդ է  
համարում:

Վերջապէս նա Լաուրային հեռացնում է  
ծնողներից, որպէսզի տէր դառնալ նրա սրտին:  
Այդ միջոցը դուր չի գալիս ոչ Լաուրային և ոչ էլ  
նրա ծնողներին: Սակայն Ալէքսի հաստատակամու-  
թիւնն յաղթող է հանդիսանում: Ամուսնական  
սէրն օրէցօր ուժեղանում է:

Այդ երկու գրամաներում էլ նկատուում է  
միևնոյն թերութիւնը, այսինքն չափազանցրած  
ամօթխածութիւն և հոգեբանական աւելորդ նկա-  
րագրութիւններ:

Բայց այդ թերութիւնը որոշ չափով ներելի  
կդառնալ, եթէ աչքի առաջ ունենանք Բեօրն-  
սօնին շրջապատող հանգամանքները:

Այդ ժամանակ թէ Դանիայում և թէ ամ-

բողջ Սկանդինավիա թերակղզու վրայ տիրում էր մի տեսակ յետամնացութիւն—պահպանողականութիւն: Մարդկային զգացմունքները չափում էին կրօնի ու բարոյականութեան տեսակետից և սէրն առանց պսակի ոճրագործութիւն էր համարում:

Ամբողջ մտաւոր ու հոգեկան կեանքը նմանում էր արեազուրկ բոյսին, որ հազիւ հազ է պահպանում իր գոյութիւնը:

Նոյն իսկ զարգացած մարդկանց շրջանում շատ քիչ էին յայտնի Ռարուինի, Սպէնսերի, Ստիւարտ Միլլի անունները: Նոյն իսկ գրանք չէին բնութենում, որ Նւրոսյան իր քաղաքակրթութեամբ, գիտութեամբ ու գրականութեամբ արդէն շատ առաջ է անցել, որ նա կարօտ չէ հիւսիսի հնացած «իդէալիզմին» ու նրա արձակած պատգամներին:

Բայց չնայելով գրան Նորուեգիայի երիտասարդութեան մի մասը դեռ կարծում էր, թէ միայն ինքն է լինելու աշխարհի աղն ու համեմը, միայն ինքն է ուղղութիւն տալու ժամանակակից գրական ու գիտական հոսանքներին:

Ահա այդպիսի միջավայրում էր ապրում Բեօրնսօնը, այդպիսի պայմաններում էին ծնունդ ստանում նրա վերոյիշեալ երկերը: Նա հասկանալի է ուրեմն, որ վատ ազդեցութիւնը թերութիւններ պիտի առաջացնէր:

VII

«Ձեռնոց» գրաման ուշադրութեան արժանի է

ու այնքան իր բեմական արժանիքներով, որքան շօշափած գաղափարով:

Նրա մէջ պատկերացրած է կնոջ տիպը, այն կնոջ, որ ձգտում է պաշտպանել իր իրաւունքները:

Հերոսուհին օրիորդ Սֆաֆան է, որ նշանադրուած է Ալֆի հետ: Նա անպայման հաւատում է ինչ նշանածին, կարծում է, որ նա գաղափարական մարդ է, որ նրա անցեալն էլ մաքուր ու անբիծ է: Նա ինքը անցեալում մի փոյրիկ բօման է ունեցել մէկ ուրիշի հետ, յուսախաբուել է իր սիրած մարդուց և ա՛ժմ ուրախ է, որ որոշ չափով փորձուած է, որ այլ ևս նրան խաբել չեն կարող:

Ուրախ է Սֆաֆան: Ուրախ են և նրա ծնողները, որ կարողացել են խնամիտանալ քաղաքի ամենահարուստի—Խրիստենսինի ընտանիքի հետ... Պատրաստութիւններ են տեսնում հարսանիքի համար: Բայց յանկարծ Սֆաֆան տեղեկանում է, որ իր ապագայ ամուսինը—Ալֆը չունի այն բարոյական մաքրութիւնը, ինչ որ պահանջում է իրանից, որ նա անցեալում սիրալին յարաբերութիւններ է ունեցել ուրիշների հետ: Աիրաւորում է Սֆաֆայի սիրտը, զարթնում են արժանապատւութեան ու ինքնասիրութեան զգացմունքները: Նա ընդհատել է տալիս հարսանեաց պատրաստութիւնները և հրաժարում է Ալֆի հետ ամուսնանալուց...

Երկու խնամի ընտանիքներում էլ սկսում է իրարանցում, անհանգստութիւն: Ինքը Խրիստինը

գալիս է Րիէսները մօտ և ակնարկներով սպաս-  
նում է բաց անել մի զաղտնիք, որը կարող է  
արատաւորել յատկապէս Րիէսի և ընդհանրապէս  
նրա ամբողջ ընտանիքի պատիւը... Ծնողները  
սկսում են համոզել Սֆաֆային: Նա քիչ մեղմա-  
նում է... Վերջապէս գալիս է Ալֆը Սֆաֆային  
տեսնելու և թիւրիմացութիւններն ընդմիջտ փա-  
րատելու: Սակայն նրանց խօսակցութիւնը աւելի  
վատ հետեանք է ունենում: Զայրացած Սֆա-  
ֆան իր ձեռնոցը շարտում է Ալֆի երեսին և  
հեռանում: Իրանով էլ վերջանում է զբաման:

Այս զբամայում երևում են Բեօրնսօսի երկ-  
ւորեակ յատկութիւնները: Տիպերն ու պատկեր-  
ները բնորոշ են և կենդանի, իսկ իրէան անկա-  
տար թողած—փիլիսոփայական մասը թույլ: Երե-  
ւում է հեղինակն ուզեցել է պատկերացնել այն  
ժամանակակից երևոյթը, որ տղամարդիկ կանան-  
ցից պահանջում են անարատութիւն, մաքրու-  
թիւն ու անպայման սէր, իսկ իրանք թույլ են  
տալիս իրանց ամեն բան: Բայց նրան չէ աջող-  
ուել որոշակի պատկերացնել այդ իրէան: Ամբողջ  
զբաման չի պարզում թէ արդեօք Սֆաֆան իր  
արժանապատուութիւնը պաշտպանելու համար մին-  
չև վերջը կատարում է վճռական քայլը, թէ ոչ...  
Նա ինչ էր ուզում ցոյց տալ իր ձեռնոցի հար-  
ուածով: Արդեօք, նա ընդմիջտ խզում է իր յա-  
րաբերութիւնը Ալֆի հետ, թէ զբանով արտա-  
յայտում է միայն իր վերջին գալրոյթը, որպէսզի  
յետոյ խոնարհուի իրականութեան առաջ...

VIII

Բեօրնսօսի աշխարհահայեցողութիւնը բնորո-  
շելու տեսակետից շատ մեծ նշանակութիւն ունի  
նրա «Մեր ուժից վեր է» զբաման, որը բաղկա-  
ցած է երկու մասից:

Առաջին մասում \*) գլխաւոր հերոսն է պաս-  
տոր Զանգը: Նա ունի հաստատուն կամք, բարի  
սիրտ և անչղզողդ հաւատ: Առօրեայ կեանքի  
ընթացիկ երևոյթները սակաւ են զբաւում նրան:  
Նա ձգտում է գէպի բարձրն ու անհասանելին,  
գէպի հրաշքն ու գերբնականը:

Ժողովուրդը յարգում է նրան և նույն իսկ  
հաւատում, որ նրա մէջ կայ մի ինչ որ արտա-  
սովոր ուժ, որ այնքան զարմանալի երևոյթներ է  
առաջացնում, այնքան հրաշքներ է կատարում...

Նրջակայ գիւղերից, հեռու վայրերից գա-  
լիս են բազմաթիւ հաւատացողներ նրան տեսնելու,  
նրա հրաշագործութեանն ականատես լինելու:

Միմիայն իր ազօթքի ուժով նա շատերին է  
բժշկել, շատերին է այս կամ այն տառապանքից  
ազատել...

Այժմ էլ նա ուզում է բժշկել իր անդամա-  
լուծ կնոջը, որ երկար տարիներ տանջւում է  
ծանր ցուերից ու անքնութիւնից...

Այն, ուզում է Զանգը, բայց իր խոր հաւատից  
կուրացած բոլորովին հաշիւ չի տալիս, թէ ար-  
դեօք հնարաւոր է այդպիսի մի մեծ հրաշք, ար-

\*) Իս բաղկացած է երկու գործողութիւնից:

դեօք նա ունի՝ բաւական ոյժ դրա համար: Նա կարծում է, որ եթէ կինն էլ հաւատայ, եթէ երկու երեխաներն էլ (Ելիաս և Բահիլ) նրա հետ աղօթեն, այն ժամանակ նրա տենչանքը կ'ըրականանայ և թշուառ Կլարան ընդ միշտ կազատուի դառն սանջանքից:

Բայց աւանդ, երեխաները վաղուց արգէն կորցրել են իրանց մանկական հաւատը, այն հաւատը, որ նրանց մէջ ներշնչել էր Զանգը, թէ խօսքով և թէ գործով: Այժմ այդ հաւատի փոխարէն արմատացել է կասկածն ու երկմտութիւնը: — Ի՞նչ է քրիստոնէութիւնը, հարցնում է Ելիասը հօրից. ո՞ւր են իսկական քրիստոնեաները, որոնք ճշտօրէն ըմբռնել են Յիսուսի վարդապետութիւնը և ամենայն ջանք ու եռանդով հետևում են նրան: Չկան... Կայ միայն մի հաւատացող, միայն մի ճշմարիտ քրիստոնեացի, ... Այդ էլ դու ես...

Սրտի դառն կսկիծով լսում է Զանգը իր զաւակների կարծիքները հաւատի և կրօնի, կեանքի և իրականութեան մասին և վերջը վճռում է միայնակ գործել հրաշքը...

Ահա նա կանգնած է եկեղեցում, ահա լսում է նրա ջերմեռանդ աղօթքը... Ո՛րքան հաւատ, որքան զգացմունք կայ նրա մէջ: Կրօնական ելգի՛ ձայնը հասնում է Կլարայի ականջին և անուշ քուն բերում նրա աչերին: Հիւանդը քնած է մանկական հանգիստ քնով, իսկ Զանգը աղօթում է ու երգում աւելի զգացուած, աւելի լուզուած...

Յանկարծ լսում է որսա, զղրող. հսկայ ժայռի ահադին բեկորները թափւում են եկեղեցու վրայ, բայց նա մնում է կանգուն, իր յարկի տակ անվնաս պահելով աղօթող պաստորին:

Ժողովրդի բազմութիւնը հաւաքւում է եկեղեցու բակում. աղմուկ է ափրում ամենուրեք, բայց Զանգը գեռ աղօթում է, Կլարան գեռ քնած է իր անուշ քնով...

Այդ միջոցին Զանգի բնակարանում հաւաքւում են բազմաթիւ հոգևորականներ, որոնք միտիօներակեան համագումարից վերադառնալով, եկել են անձամբ տեսնելու կատարուած հրաշքը:

Նրանց խօսակցութիւնը տալիս է հոգևորական դասակարգի ճշգրիտ պատկերը...

Այդտեղ ի միջի այլոց պատեր Բրատտ խօստովանում է իր թերահաւատութիւնը, լայանում է, որ հոգևորականներից շատերն իրանք էլ չեն հաւատում ինչ որ քարոզում են և վերջապէս հրաժարւում է իր կոչումից, ասելով՝

— Կրօնն այլևս չի կարող մարդկութեան միակ իրէալը լինել: Մարդ կարող է ապրել ու մեռնել իր հայրենիքի, ընտանիքի և համոզմունքի համար...

Բայց ահա և հրաշքի վերջաբանը... Հեռուից լսում է եկեղեցու զանգակի ղօզանջիւնը, ներդաշնակօրէն հնչում է՝

Ալէլուիա, Ալէլուիա,  
Ալէլուիա, Ալէլուիա...

Հոգևորականները ծունկ են չոզում և ձայ-

նակցում երգեցողութեանը: Այդ միջոցին երևում է  
Չանգը, իսկ միւս կողմից բացւում է անդամա-  
լոյծի սենեակի դուռը և Կլարան սպիտակ շորերը  
հագին, ահագին բազմութեամբ շրջապատուած  
կամացուկ քայլում է դէպի առաջ...

Նա փաթաթւում է Չանգի վզովը և մրմնջում.

— Դու անգնահատելի... Դու իմ սիրելի...

Սակայն բռնեքը սառում են նրա շրթունք-  
ներին և անշնչացած դիակը դետին է փուլում:

— Բայց ես այդպէս չէի կարծում...

Շշնջում է Չանգը և խոնարհւում Կլարայի  
շնչառութեանն ականջ դնելու:

Այդ բոլորին ինքն էլ կաթուածահար է լի-  
նում, իսկ եկեղեցու զանգակը դեռ զօղանջում է  
այնպէս ողբաձայն...

Ահա այդպիսի ցաւալի վախճան է ունենում  
Չանգի ձգտումը դէպի գերբնականը, դէպի «ու-  
ժից վերը»:

Սակայն դրանով դեռ չի վերջանում այդ  
կորստաբեր ձգտումը: Դրամալի երկրորդ մա-  
սում հանդէս է գալիս արդէն հասուն երիտա-  
սարդ դարձած Ելիասը, որպէսզի շարունակէ հօր  
սկսածը: Բայց Ելիասը հաւատի ու կրօնական  
ջերմեռանդութեան մէջ չի սրոնում հարցի լու-  
ծումը: Նա համեմատաբար աւելի գործնական  
հոտառութիւն ունի, աւելի լաւ է ճանաչում հա-  
սարակական չարիքի պատճառը, ուստի և աւելի  
կօնկրեա ասպարէզ է ընտրում իր գործունէու-  
թեան համար:

Նա իր ամբողջ էութեամբ նուիրւում է ժո-  
ղովրդի գործին և ամենայն ջանք ու եռանդով  
աշխատում է թեթեւացնել թշուառների ծանր  
վիճակը:

Դրանք ապրում են չորացած դետի խորխո-  
րատում, ուր ոչ պայծառ արևի ճառագայթներն  
են թափանցում և ոչ էլ թարմ ու ազատ օդ է  
շարժւում:

Դրանք, դառն քրտինք թափելով, ամբողջ օրը  
աշխատում են խոնաւ ու մութ հանքերում, բայց  
այնու ամենայնիւ չեն կարողանում իրանց համար  
մի տանելի կեանք ստեղծել, կարիքի ճանկերից դէթ  
մասամբ ազատուել: Եւ ինչպէս կարողանան, երբ  
իրանց աշխատանքի տէրը չեն, երբ նրանք քլբ-  
տինք են թափում, իսկ արդիւնքը վայելում են  
խորխորաւի վերևում, հարուստ քաղաքամասում  
ապրող կապիտալիստներն ու մանր բուրժուաները:

Հետզհետէ սաստկանում է ժողովրդի թշուա-  
ռութիւնը, աւելի-լաճախ՝ են կրկնում դժ-  
բաղդ դէպքերը թէ հանքերում և թէ առօ-  
րեայ կեանքում...

Վերջապէս չքաւորները վճռում են գործա-  
դուլ անել և կապիտալիստներից պահանջել ան-  
հրաժեշտ բարենորոգումներ: Ահա այդ բողոքող  
տարրի առաջնորդն է դառնում Ելիասը, ընկերա-  
կից ունենալով նախկին պաստոր Բրատտին:

Ելիասն իր տեմպերամենտին յատուկ ոգևո-  
րութեամբ անձնատուր է լինում այդ գործին: Նա  
մի կողմից իր ճառերով գրգռում, նոր ոյժ է ներ-

շնչում բողոքողներին, իսկ միւս կողմից նիւթական օգնութիւն է հասցնում նրանց: Այսպէս անցնում են երկար ու ձիգ օրեր, բայց կապիտալիստները ոչ միայն զիջումներ չեն անում, այլ ընդհակառակը վճռում են աւելի խոր միջոցներ ձեռք առնել ըմբոստներին ճնշելու և աւելի կեղեքելու համար:

Ձբաւորները պատգամաւորութիւն են ուղարկում յայտնի գործարանատէր Հօգլէրի մօտ, բայց վերջինս հեղանաքով է ընդունում պատգամաւորներին և դատարկաձեռն ճանապարհ գցում...

Բողոքողները հետզհետէ ընկճւում են յուսահատութիւնից: Այլ ևս նրանց վրայ չի ազդում Էլիասի խօսքը, մանաւանդ որ վերջինս արդէն ծախել է իր ամբողջ ունեցածը և անկարող է նսրատալ կարօտեալներին:

Չնայելով բոլոր այդ խոչնդոտներին, Էլիասը չի յուսահատւում և վճռում է մինչև վերջը տանել իր սկսած գործը: Իր փայփայած գաղափարն իրագործելու, կեղեքուած ժողովրդի թշուառութիւնը թեթևացնելու համար նա զոհեց իր ժամանակը, հանդատութիւնը, ամբողջ հարստութիւնը, այժմ էլ ուզում է զոհել կեանքը...

— Եթէ մարդիկ քարայրել են սրտերը թըշուառների վիշտը չըզգալու համար, ասում է նա, եթէ նրանք փակում են իրանց աչքերը չարիքն ու անարգարութիւնը չտեսնելու համար, այն ժամանակ անհրաժեշտ է ծալրալեզ անձնագոհութիւն, նահատակութիւն, որպէսզի բթացած ջղերը ցըն-

ցուին և զգան...

Նա կաշառում է մի գնչուհու, որի միջոցով մի զաղտնի անցք է պատրաստում Հօգլէրի ամբոցի սակ, այդտեղ մեծ քանակութեամբ դինամիտ է դնում և վերջը ծայտեալ շորերով մտնում է ամբոցն իրրեւ ծառայ:

Արդեալ օրը բոլոր կապիտալիստները հաւաքւում են Հօգլէրի մօտ (ամբոցում) գործադուլի մասին խորհրդակցելու և բանւորներին ճնշելու համար նոր միջոցներ մտածելու:

Կա մի բնորոշ ժողով է, որտեղ բուռն համակրանքի են արժանանում ամենաճալրալեզ բուրժուական մտքերը: Բոլոր ճառախօսները շեշտում են, որ կապիտալիստներն են պետութեան հիմքը, ժողովրդի ամենալաւ մասը, կապիտալիստներն են քաղաքակրթութեան զեկավարը, արդիւնադործութեան զարգացնողը և այլն և այլն:

Միայն մէկն է հասարակ ժողովրդի օգտին, խօսում, բայց նա էլ ժողովականների ծաղր ու ծանակի առարկան է դառնում, և հեռանում է, ժողովը կիսատ թողնելով:

Վերջապէս Հօգլէրը փակում է ժողովը և նշան է տալիս խրախճանքն սկսելու. վառւում են զոյնզոյն կրակները, հնչում է երաժշտութիւնը, ամեն կողմից լսում է բերկրանք ու քըրֆիջ...

Բայց ի՞նչ սալսափ... Յանկարծ լուր է տա-



բաճուում, թէ բոլոր դռները փակ են և շուտով ամբոցը դինամիտի պայթումից օգը պիտի ցնդի: Խրախճանքը խանգարուում է: Պերախուլթեան ձայները փոխարինուում են լուսաստուութեան ու հառաչանքի բացականչութիւններով: Սկսուում է բարելոնեան խառնաշփոթութիւն: Սարսափահար եղած ժողովականներից մէկը խելագարի նման լուսամուտից դուրս է ցատկուում, միւսներն այս ու այն կողմ են ընկնում և վերջապէս բացատրութիւն են պահանջում խորհրդաւոր ծառայից:

Համարձակ առաջ է շարժուում Ելիասը և ասում.

— Ես եմ այս բոլորի հեղինակը... Ձեզանից ոչ ոք կենդանի դուրս գալու չէ այս ամբոցից...

Այդ բոպէին լուում է ատրճանակի պայթիւն և զնդակահար եղած Ելիասը գետին է փուում, «Րահիւր, Րահիւր...» կանչելով:

Բայց Ելիասի մահը չի վերացնում օրհասը: Մի բոպէ ևս շարունակուում է ճգնաժամը. վերջապէս լուում է որոտընդոստ աղմուկ. ամբողջ ամբոցը քար ու քանդ է լինում, իր փլատակների տակ թողնելով անողոք կապիտալիստներին:

Պրամալի վերջին-չորրորդ գործողութիւնը ամբողջապէս լի է միտիցիզմով: Սկզբում բեմը ներկայացնում է երբեքանդ ծաղիկներով մի տարածութիւն: Յետոյ ծաղիկները կամացուկ անհետանում են և նրանց տեղ բացուում է մի ծառախիտ պարտէզ:

Այստեղ նստարանի վրայ նստած է սևազգեստ

Րահիւր: Նա ողբում է իր եղբօր—Ելիասի մահը:

— Ելիւ...աս, Ելիւ...ս... մերթ ընդ մերթ մըըմնջում է նա. սրքան խորը վիշտ կայ այդ մի հատիկ բառի մէջ...

Արտասուենքի կաթիլներն անվերջ քամուում են աչքերից: Ոչ ոք չի կարողանում մխիթարել նրան. բայց ահա գալիս են մարմնացած յոյսն ու հաւատը մանուկ Կրէդօյի և դեռահաս կոյս Սպերայի կերպարանքով և Րահիւրի սիրտը քիչ սփոփանք է գտնում: Նա խոստովանում է, որ Ելիասի մահն իզուր չէր, որ նրա փալփայած գաղափարն իրագործուելու է...

Այդ հաւատը նրա մէջ աւելի է ամրանում, երբ Կրէդօն ու Սպերան արծարծում են մանչեստերական\* ողով ներշնչուած մտքեր, թէ ապագայում չարիքն ինքն ըստ ինքեան պիտի վերանայ, թէ շատ նորանոր զիւտեր պիտի լինին, որոնք կթեթեացնեն ու կբարւոքեն բանւորական դրութիւնը և այլն...

Այդպէս ուրեմն գրամալի թէ առաջին և թէ երկրորդ մասում ներքին մղիչ ոյժն է «ձգտում գէպի ուժից վեր գործեր»...

Առաջին մասում պատար Զանգն է գոհ գնում այդ ձգտմանը, աշխատելով իր ջերմեռանդութեամբ հաւատ վերականգնեցնել, իր հրաշա-

\*) Այդ անունով կոչուում է անտեսական այն ուղղութիւնը, որ կատարեալ ազատութիւն—laisser-faire—է բարոյում ոչ միայն ներքին ու տրտարին առեարի, այլ և խրաքանչիւր ձեռնարկութեան մէջ:

գործութեամբ անդամալուծին բժշկել:

Իսկ երկրորդ մասում զոհն էնտուզիաստ Ելի-  
աւն է, որը զինամէտի ուժով սեզում է ոչնչացնել  
այն մեծ ջարիքը, որ ամբողջ դարերի ընթացքում  
է հոգի ու մարմին ստացել, որ մի շարք տնտեսական  
ու սոցիալական պատճառների արդիւնք է կազմում:

Սակայն ուշագրութեան արժանին այդ իդէան  
չէ, այլ այն ճշգրիտ պատկերները, որոնք բնորո-  
շում են ժամանակակից կեանքի զանազան հոսանք-  
ները, դասակարգային առանձնաշատկութիւնները  
և ընդհանրապէս սոցիալական հարցի լաւ ու վատ  
կողմերը: Իրբև օրինակ բաւական է լիշել հոգեւո-  
բականների խօսակցութիւնը առաջին մասում,  
բանասիրների ժողովը, Ելիասի և Բրատտի ճառերը,  
պատգամաւորների և Հօգլէրի խօսակցութիւնը,  
կապիտալիստների ժողովը և այլն:

Գրանցից պարզ երևում է, որ գրուածքի հե-  
ղինակն ունի ոչ միայն դրամատուրգի շնորք, այլ  
և ընթացիկ կեանքը զիտելու և վերլուծելու ըն-  
դունակութիւն:

Ընդհանուր առմամբ դրամայի երկրորդ մասն  
աւելի ցնցող տպաւորութիւն է թողնում, քան թէ  
նայն իսկ Հաուպտմանի «Ջուհլակները», թէև ներ-  
քին ոյժի կողմից տարբերուած է նրանից:

IX

«Haboremus» դրաման Բեօրնսօնի ամենավեր-  
ջին\* գրուածքն է և բնորոշ տպաւորութիւն է թող-

\*)—Այդ դրամայի գերմաներէն հրատարակութիւնը լոյս տեսաւ 1901  
թ. Միւնխենում:

նում իր բովանդակութեամբ:

Նրա գլխաւոր իդէան այն է, թէ վերջ է  
վերջոյ պիտի լաղթանակեն բարոյականութիւնն ու  
նրա անխախտ օրէնքները:

Հեղինակը հանդարտ և համոզուած ձևով պատ-  
կերացրել է մարդկանց կեանքը բարոյականութեան  
հետ շաղկապուած: Արդեօք, անհատը կարո՞ղ է իր  
անձնական երջանկութեան համար զոհել ուրիշի  
բաղաւորութիւնը, արդեօք, կարո՞ղ է դիմել դէպի  
լոյսը, դէպի լաւն ու գաղափարականը, միջոց ընտ-  
րելով վատութիւնն ու չարութիւնը:

—Ո՛չ, պատասխանում է Բեօրնսօն:

Բարոյականութեան գէ՛մ մեղանչողը միշտ էլ  
կ'ստանայ իր պատիժը, կ'կորցնէ իր ներքին հան-  
գառութիւնը, եթէ նոյն իսկ արտաքին պատժից  
ազատ մնայ:

Ամբողջ դրաման կենտրոնացած է միայն մի  
քանի մարդկանց շուրջը: Չկան աւելորդ դէմքեր,  
չկայ ոչ մի կողմնակի միջնագէտ: Բնականն ու  
երևակայականը շաղկապուած են իրար հետ և եր-  
կուսն էլ զարգանում են աստիճանաբար:

Երիտասարդ կօմպոզիտոր Լանգֆրէդն ուզում  
է յօրինել «Ունդինա» անուսով մի նոր օպերա և  
նրանով պատկերացնել այն մշտական թախիժը,  
այն անվերջ ձգտումը, որ բուն է դրել մարդ-  
կանց սըրտերում:

Ունդինան ջրահարս է և ներկայացնում է մար-  
մնացած ծով, այն վրդովուած ու մրրկածուկ ծովը,  
որը ձգտում է միշտ դէպի ցամաքն ու երկիրքը:

Կատաղի ալիքները գալիս շփում են ցամաքի փեշերը, բայց չեն կարողանում յաղթել նրան և տեղահան անել:

Վշտացած ծովը զգում է այդ և հառաչանքներ արձակում: Կապուտակ երկինքն իր անհամար աստղերով անդրադառնում է նրա ջրերի մէջ: Ծովը տեսնում է այդ, ձգտում է դէպի վերև, բայց չի հասնում:

Ունդինան էլ ծովի նման միշտ ձգտում է դէպի իր փափայլած նպատակը, դէպի երջանիկ կեանք, նա աշխատում է ցամաք դուրս գալ և նրա տէրը դառնալ, բայց չի կարողանում:

Նա իր ամբողջ էութեամբ սէր է ներկայացնում, բայց սառը, դաժան ու անհոգի սէր: Նա աշխատում է տէր դառնալ ուրիշի հոգուն, որպէսզի նրա միջոցով նոր կեանք ու երջանկութիւն ստանայ: Նա ինքը հոգի չունի և չի հասկանում, որ մարդկանց համար գոյութիւն ունին բարձր բարոյական օրէնքներ: Իր մշտական ձրգտումով տոգորուած, նա ոտնատակ է տալիս այդ օրէնքները և ինքն էլ զոհ գնում:

Ահա այդ է «Ունդինայի» բովանդակութիւնը, այդ մտքերն են երիտասարդ Լանգֆրէդին զբաղեցնողը...

Բայց ինչ որ ծնունդ է առնում երիտասարդ երաժշտագէտի երևակայութեան մէջ, անսպասելի կերպով կատարում է իրական կեանքում:

Լանգֆրէդը սիրահարում է տիկին Լիզիա Վիսբիի վրայ: Երաժշտութիւնն է նրանց սիրոյ օղակը կազմում... Բայց Լիզիայի անցեալը ան-

բիժ չէ:

Գեռ օրիորդ ժամանակը նա տաղանդաւոր դաշնակահար էր և միշտ էլ կարողանում էր հմայել իր ունկնդիրներին: Երկար ժամանակ նա շրջիկ կեանք էր վարում, բայց ամեն տեղ իրան օտար էր զգում, անբաղդ էր համարում: Մարդիկ սիրահարում էին նրա վրայ, գլուխները կորցրած քաշ էին գալիս նրա լեռեից, բայց այնուամենայնիւ Լիզիան բաւականութիւն չէր ստանում:

Նա ուզում էր ուրիշների նման սեփական ընտանիք ունենալ, սովորական կեանք վարել:

Նա այլ ևս անկարող էր օտարների հաճոյքին ծառայել, նրանց բաւականութեան համար աշխատել:

Մի անգամ նրան կանչում են մի հիւանդ կնոջ մօտ, Վիսբիի ընտանիքում. այստեղ Լիզիան տեսնում է հիւանդի ամուսնու և աղջկայ վիշտն ու հոգատարութիւնը, տեսնում է թէ որքան սէր ու բաղդաւորութիւն է վայելում հիւանդ տիկինը և չար նախանձը շարժում է նրա սրտում: Նրան թւում է, թէ ինքն աւելի իրաւունք ունի բաղդաւոր լինելու, քան թէ հիւանդը և որոշում է խել նրա բաղդաւորութիւնը...

Նա մի կողմից թուլակամ Վիսբիի սիրտն է գրաւում, իսկ միւս կողմից իր տաղանդի հմայքով հիւանդ կնոջ մահը շտապեցնում...

Հիւանդը մեռնում է և Վիսբին ամուսնանում է Լիզիայի հետ: Սակայն հարսանիքից լետոյ Վիսբին հասկանում է կատարուած իրողութիւնը:

Երազում երևում է նրա կինը և յայտնում; որ Լիզիան է եղել իրա մահուան պատճառը: Դրանից լետոյ Վիսբիին իր ծանօթներից ու բարեկամներից իմանում է Լիզիայի արկածայի անցեալը և վերջնականապէս հիասթափւում:

Նրա սէրն անհետանում է և Լիզիայի երևակայած ըետանեկան երջակութիւնը ջախջախում:

Սակայն դա իրատ չի լինում սիրաւենչ Լիզիային, չի կանգնեցնում նրա անգուսպ ձգտումը դէպի նոր կեանք, դէպի բաղբաւորութիւն...

Սկսւում է նոր սիրահարութիւնը: Լանդֆրէզն իրան անչափ երջանիկ է զգում: Նա ուզում է հեռանալ մարդկանցից, առանձնանալ Լիզիայի հետ և ապա սկսել իր մեծ գործը-«Ունդինա» օպերան: Բայց նրա ոյժն ու եռանդը կարծես, ընդհակառակը, հետզհետէ նուազում են...

Իսկ Լիզիայի սէրը զուտ եսական է: Նրան չի գրաւում ոչ Լանդֆրէզի երաժշտական հմտութիւնը և ոչ էլ նրա միւս յատկութիւնները: Նրա սիրտը լի է վիշտ ու թախիծով, հոգին ձգտում է դէպի բարձրը, դէպի նոր կեանք, ուստի և նրան զուր է գալիս ֆանտաստիքական «Ունդինան» և նրա մէջ արտայայտուած անսահման թախիծը:

Սէրն հետզհետէ ուժեղանում է և Լանդֆրէզին կորստեան ճանապարհի վրայ կանգնեցնում, բայց միջամտում է նրա քեռին—դօքտոր Կանը և չարիքի առաջն առնում: Վիսբիի մօտիկ ընկերը լինելով, նա հեշտութեամբ իմանում է Լիզիայի անցեալն ու բարոյական յատկութիւնները և ապա

վճռում է Լանդֆրէզին ազատել նրա ճանկերից:

Նրա թելադրութեամբ Վիսբիի աղջիկը—Բօրնին գալիս է Լանդֆրէզի մօտ, կիսահանաք-կիսաչուրջ ձևով սկսում է խօսել նրա օպերայի մասին, առանց անուշներ տալու պատմում է իր մօր մահը, Լիզիայի ոճրագործութիւնը և վերջն հասկացնում է, թէ իր երջանկութեան պատճառով հիւանդի կեանքը գոհույ կինն է այն ջրահարսը, որ բարոյական օրէնքները խախտելու համար կորցուտեան է մատնուած:

Լանդֆրէզը հասկանում է գործի էութիւնը: Նրա մէջ բարոյական լեղափոխութիւն է կատարւում: Նա սկսում է առաջուայ նման աշխատել և լրջօրէն մտածել իր օպերայի մասին:

Լիզիան գալիս է, որ նրա հետ հեռանայ և նոր կեանք սկսէ, բայց Լանդֆրէզը մերժում է առանց ուշք դարձնելու նրա աղաչանքի, նրա լաց ու հառաչանքների վրայ:

Այդ միջոցին ներս են մտնում դօկտոր Կան և օրիսրդ Բօրնին: Յուսահատ Լիզիան հեռանում է..

Կանը յայտնում է Լանդֆրէզին, որ նա այժմ կարող է աշխատել, որ արդէն անցկացաւ Լիզիայի ներշնչած անգորութիւնը:

Կանցնին տանջանքները և կ'աղթանակէ մարդկային կեանքի օրէնքը—աշխատանքը (Laboremus), որը սերտ կապուած է բարոյականութեան հետ:

Ինչպէս տեսանք, այդ դրամայի մէջ չ'կան մութ գաղափարներ, խրթին ու անհասկանալի

մտքեր:

Ալեգորդ հեղինակն աշխատել է ցոյց տալ, թէ բարոյական օրէնքներն առաջնակարգ նշանակութիւն ունին իւրաքանչիւր անհատի համար, թէ նրանցից է կախուած մարդկային կեանքի ներդաշնակութիւնը և նրան միանգամայն աջողուել է այդ բանը:

Գրաման զուրկ չէ և թերութիւնից. օրինակ, անբնական է կնոջ երեւալը Վիսբիի երագում, անբնական է նաև նրա մահը Լիդիայի շնորհալի երաժշտութիւնից:

Մինչև օրս դեռ ոչ ոքի յայտնի չէ, թէ երաժշտութիւնը մահացնող յատկութիւն էլ ունի:

Սակայն դրանք ներելի թերութիւններ են, որ երբէք չեն խանգարում դրամայի ամբողջութեանն ու ընդհանուր տպաւորութեանը:

X

Վերևում նկատեցինք, որ Բեօրնսօնը յայտնի է և իբրև քաղաքական գործիչ: Նա դեռ երիտասարդ հասակից մտել է այդ ասպարէզը և մինչև օրս էլ շարունակում է իր արդիւնաւէտ գործունէութիւնը:

Նրա առաջին քաղաքական յօդուածներն ուղղուած էին Շուեդական պետութեան դէմ, որն աշխատում էր սահմանափակել Նորուեգիայի իրաւունքները և նրան մի նոր տեսակի Իրլանդիա դարձնել:

Ինչպէս յայտնի է, Նորուեգիան ամբողջ դա-

րերի ընթացքում զուրկ էր ազատութիւնից և կրում էր Գանիայի ծանր լուծը: Միայն 1814 թ. նա ազատուեց այդ լծից և Շուեդիայի հետ մի առանձին պետութիւն կազմեց: Սակայն Շուեդական կառավարութիւնն էլ իր կողմից ձգտում էր նրա ինքնուրոյնութիւնը սահմանափակել:

Ահա այդ ձգտման, այդ սահմանափակման դէմ դուրս եկաւ Բեօրնսօն իբրև «Bergensposten» լրագրի խմբագիր (1858): Նրա կրակոտ յօդուածները որոշ շարժում առաջ բերին և բաց արին նորուեգացիների գիտակցութիւնը:

Այդ պայքարը նա նոյն եռանդով շարունակեց նաև իբրև «Aftenbladet» և «Norsk Folkeblad» թերթերի խմբագիր...

Նա միշտ անվախ է եղել և միշտ ինքն է նետուել գաղափարական կռուի ասպարէզը: Սկզբունքի կամ հասարակական մի որևէ հարցի համար պայքար մղելը նրա համար անհրաժեշտ պահանջ է դարձել: Իր բնաւորութեան այդ յատկանիշը Բեօրնսօն արտայայտել է նոյն իսկ բանաստեղծութեան մէջ: Իբրև ապացոյց վերցնենք հետևեալ գէպքը.

Գանիական մի գրավաճառ օրացոյցի լաւելուած կազմելու համար գիմում է 12 հեղինակների և խնդրում է, որ նրանցից իւրաքանչիւրը մի ամիս ընտրէ և նրա համապատասխան մի բան գրէ: Բեօրնսօն ընտրում է Ապրիլը և գրում հետևեալ ոտանաւորը.

Ես ընտրուած եմ Ապրիլ ամիսն\*,  
 Ուր հնցածը կ'կործանուի.  
 Եւ երբ նորը շաչով, բոցով  
 Խորն ու ամուր արմատ կառնի.

Գերազոյնը երբէք, երբէք  
 Անդորրը չէ, որ մարդ կուզէ:

Ես ընտրուած եմ Ապրիլ ամիսը,  
 Նա կ'լուզէ ամենուրէք.

Նա կ'ժպտայ, կ'եռայ, շողայ,  
 Եւ կ'բացուի կեանքը նորեկ,—

Որովհետեւ ոգի ունի

Եւ վառ ամառ բերել կ'ըզձայ:

Մենք գիտմամբ առաջ բերինք այս ամբողջ  
 ոտանաւորը, որովհետեւ նա ամենից լաւ է բնորո-  
 շում Բեօրնսօնի բնակչութիւնն ու ձգտումները:

Բեօրնսօնը լայտնի է նաև իբրև ճառախօս:  
 Նրա խորիմաստ ճառերը միշտ մեծ տպաւորու-  
 թիւն են թողնում: Նա բուն ժողովրդի սիրելին  
 է: Բաւական է հնչուի նրա անունը, որպէսզի դա-  
 տարի դահլիճները լցուին հետաքրքիր ունկնդիր-  
 ներով... Ներկայումս էլ, չ'նայելով իր գառամեալ  
 հասակին, նա միշտ մասնակցում է Նորուեգիայի  
 ընթացիկ հասարակական ու քաղաքական հարցերին  
 և մերթ ընդ մերթ բարձրացնում է իր ազդեցիկ  
 ձայնը, որ այնքան քաղցր է հնչում Նորուեգացի-  
 ների ականջին, որ այնքան գրաւիչ է իր ար-  
 ծարձած գաղափարներով:



\* Այս ոտանաւորը գրութաներէն կ'արդմանի Պ. պ. Աւետիք  
 Իսահանի:



ՀՀ Ազգային գրադարան



NL0167285